

# Xojon carta xi kiskii Santiago

## Kó tsò Santiago nga síhixat'aà xita

**1** <sup>1</sup>An, Santiago, xi chí'nda-la Nainá ma, kò ts'e Na'è-ná Jesucristo, tisihixat'aà-nò, jñò, xi ya inchrobàt'aà-nò xi tejò tje-la naxandá Israel xi xki xi ján nangui titsajnaà nga tíjtsa isò'nde.

## Nga'nó xi sakó-ná k'e nga mé kjoa xi otojñaá

<sup>2</sup>Jñò, xi 'ndsè chibá it'aà ts'e Cristo, nguì tsja t'è-là inima-nò k'e nga nita mé kjoa xi komat'ioòn. <sup>3</sup>Ya-nò k'e nga tsà mé kjoa xi komat'ioòn nga chít'aà-nò koni s'ín mokjeín-nò, jñà kjoa xi kotojñò, yaá sakò-nò nga'nó nga kichikjoako-nò nita mé kjoa xi kotojñò. <sup>4</sup>K'oaá ma-ne jè nga'nó xi sakò-nò, ndaà kàtasíxájiin inima-nò mé-ne nga ndaà kojchínga-ne kò tíjngò-ne kjohítsjeèn-la inima-nò nga nimé sichijat'aà-la.

<sup>5</sup>Tsà tjín i'nga xita xi chijat'aà-la kjohítsjeèn, tíjé't'aà-là Nainá; jè tsjá-nò. Nga jè Nainá nguì kóó inima-la nga tsjá kò mìtsà ch'o tsò-la xita k'e nga síjé. <sup>6</sup>Tanga nguì ndaà kàtakjeín-nò k'e nga síjé. Kì jò 'beé-là takòn. Jè xita xi jò 'beé-la ikon, k'oaá s'ín ngaya-la koni ndáchikon k'e nga 'ba tjo, fijen fikjako. <sup>7</sup>Jè xita xi jò 'beé-la ikon, k'oaá s'ín síkítsjeèn nga tjín xi tjoé-la it'aà ts'e Na'è-ná, <sup>8</sup>nga mìkii tíjngò ikon. Nachrjein i'ndeí kj'eíí s'ín tísíkítsjeèn, nchijòn-lè tíkoaá kj'eíí kjohítsjeèn tjín-la. Mìtsà nguì jngò ndiyá kjoé.

<sup>9</sup>Jñà xita xi 'ndsè chibá it'aà ts'e Cristo xi ima títsajna, tsja kàtas'e-la nga 'nga títsajna nga nguixkòn Nainá. <sup>10</sup>Tanga jñà xita nchiná, tsja kàtas'e-la nga nangui kítsajna ya nguixkòn Nainá, nga jè xita nchiná, k'oaá s'ín komat'in koni jngò naxò xi mìkii fíchrjein-la. <sup>11</sup>K'e nga 'nó matsjè ndobá, jñà ijñá,

xì-né, ikjoàn bixòjen jè naxó-la; chija isén-la nga ndaà kjoàn. K'oaá tís'in komat'in jñà xita nchiná, k'e nga 'nño nchisíxáko xá xi tjín-la, ta nitóon kiyá.

<sup>12</sup>Mé ta ndaà-la jè xita xi chíkjoako-la k'e nga chít'aà, mé-ne k'e nga jye síkijne, tjoé-la kjoabinachon koni s'in kitsjaà-la 'én Nainá, ngats'iì xita xi jè matsjakeè. Tjoé-la kjoabinachon k'oaá ngaya-la koni jngò corona si'a sko xita xi síkijne k'e nga síská. <sup>13</sup>Jñò, k'e nga chít'aà-nò nga mejèn-nò nga ch'o s'een, kì k'oaá s'in nìkítsjeèn nga jè Nainá tíkot'aà-nò. Nga jè Nainá mì yá xi koma-la skót'aà nga ch'o kátas'in Nainá. Tíkoá jè Nainá mì kì kot'aà xita nga ch'o kátas'in. <sup>14</sup>Jngò xita, k'e nga chít'aà, tijñà-ne kjoa ch'o-la xi matsjakeè bínga nga tsobà'nó. <sup>15</sup>Ko jè kjoa ch'o xi matsjakeè, k'e nga jye bitasòn, yaá sakó jé. K'e nga jye bitasòn kjoa ts'e jé, ikjoàn f'iì kjoa biyaà.

<sup>16</sup>Jñò ndí 'ndsè xi matsjake-nò, kì yijo-nò chonachan-là. <sup>17</sup>Ngats'iì kjondaà ko kjotjò xi tjoé-ná, it'aà ts'e Nainá xi tjína ngajmì nchrobá-ne, jè xi tsibíndaà ngats'iì tsojmì xi 'ya-la ngajmì, jñà xi síhiseèn. Nainá, mì k'oaá s'in fatjìya-la koni ma jñà tsojmì xi síhiseèn ngajmì nga fatjìya-la koni ma 'nguién. <sup>18</sup>Nainá, k'oaá s'in kjòmejèn-la nga kisikítsajnakon xitse ijngò k'a-ná xi kjoa ts'e 'én kixi-la, mé-ne nga jñá singatsjaá yijo-ná Nainá koni tsojmì xi majchá ítjòn xi jè tsibíndaà.

### Mochjeén-né nga sikitasoán k'e nga jye na'yá 'én-la Nainá

<sup>19</sup>Jñò, ndí 'ndsè xi matsjake-nò, tikítsjeèn ngats'ioò, isa ndaà titsajnandaà nga kiná'ya-là xita xinguiá xi kj'eíí, chiba chiba tinókjoaa, ko kì taxkì majti-nò. <sup>20</sup>Jngò xita xi jti takòn, mìkii kixi síkitasòn koni s'in mejèn-la Nainá. <sup>21</sup>Chjaàxin-là yijo-nò ngats'iì kjoa tjé ko kjoa ch'o xi xkì xi ján tjín, mé-ne nga indaàjìin choé-nò jñà 'én ndaà-la Nainá xi jye kina'yá, jñà 'én koi xi koma kochrjekàjìin-nò kjo'in.

<sup>22</sup>Tíkitasòn koni tsò 'én-la Nainá. Kì tà na'yá-jèn. Tsà mìkii sikitason, ti yijo-nò titsachonachan-là. <sup>23</sup>Nita yá xita-ne xi 'nchré 'én-la Nainá, tsà mìkii síkitasòn, k'oaá ngaya-la koni jngò xita xi chítsín tíkotsejèn-ya. <sup>24</sup>K'e nga jye beè isén-la kó kji, ikjoàn fi, yaá jchàajìin-la kó kji isén-la. <sup>25</sup>Tanga jè xi ngui ndaà kotsejèn-la kjotíxoma kixi xi síkijnandeíí-ná, nga koií 'én síkítsjeèn kjit'aà koni tsò kjotíxoma, ko mìkii síjchàajìin

'én xi 'nchré nga ndaà síkitasòn, xit̃a jè, yaá sakó-la kjoa machikon-t'in k'e nga k'oas'ín tís'in.

<sup>26</sup>Tsà jngod̃ xit̃a xi tsò: “Beèxkón-ná Nainá”, koa tsà mikii bíchjoà-la nijen-la nga chja ngats'iì 'én xi ch'o tsò, yijo-laá tikonachan-la; nimé chjí-la nga tsò: “Beèxkón-ná Nainá.” <sup>27</sup>K'e nga nguì kixi kjoa nga Nainá xi Na'èn-ná yaxkoán, koni s'in mejèn-la, jé-né nga sìchját'aà-lá xi ixti jchan, ko íchjín ka'àn xi jye k'en x'in-la, jñà xi kjo'in tjin-la, tikoā mì kì k'inde-lá yijo-ná nga kjoa ch'o jchinijñáa xi tjin isò'nde.

Mì kiì mochjeén nga chjaajñáa xit̃a xinguiáá nga ndaà sis'in-lá

**2** <sup>1</sup>Jñò, ndí 'ndsè, koni s'in mokjeín-nò it'aà ts'e Na'èn-ná Jesucristo xi jeya tjna, kì chjaajñod̃ xit̃a xinguiò. <sup>2-3</sup>Tsà jngod̃ xit̃a kijchò ya i'nde ñánda bixoña, xi tangò oro tíkja najnò tsja, tikoā 'ñó ndaà kjoàn nikje chjí xi kikjá. Jñò, tsà 'ñó ndaà sis'in-là, k'oín-la: “Tijni ijndé ñánda ndaà choòn.” Tsà tikoā kijchò jngod̃ xit̃a ima xi kixajndajno kixajndat'aà nikje-la, tsà k'oín-la: “Taxki tìsijni ya, ko tsà majìn, taxki tijnat'eii ya nangui.” <sup>4</sup>Jñò, k'e nga kos'ín s'een, xinguiò tìsanachrjekànguioð nga chjaajñod̃ xit̃a xinguiò koni s'in xitaxá xi ch'o tjin kjohitsjeèn-la.

<sup>5</sup>Jñò ndí 'ndsè xi 'ñó matsjake-nò, tiná'ya: Nainá xó k'oáá s'in jaajjìn-ne jñà xi xit̃a ima xi tjin i isò'nde, mé-ne nga jñà kítsajna ítjòn-ne koni s'in mokjeín-la tikoā tjoé kjotjò-la ngats'iì kjondaà xi Nainá tsjá-la jñà xit̃a xi jè otíxoma-la nga jyeé k'oas'ín kitsjaà 'én-la nga tsjá-la xit̃a xi matsjakeè. <sup>6</sup>Tanga jñò, ta saá nachrjekànguioð jñà xit̃a ima. ¿A mìtsà jñà xit̃a nchiná xi jñò beètoòn-nò nga fiko-nò nguixkon xitaxá nga óngui-nò? <sup>7</sup>¿A mìtsà jñà xit̃a nchiná xi chjajno-la it'aà ts'e 'ín-la Cristo, xi jè otíxoma-nò?

<sup>8</sup>Jñò, ndaà 'nè-nò tsà kixi kjoa nga nìkitasòn jè kjotíxoma-la Cristo xi otíxoma koni s'in tichja Xojon-la Nainá nga tsò: “Tìtsjachi xit̃a xinguii xi i'nga koni tsà tì yijo tsiji-ne.” <sup>9</sup>Tanga tsà chjaajñod̃ xit̃a xinguiò, tjin xi ndaà nìs'in-laà ko tjin xi mikii ndaà nìs'in-laà, jé binchaàtsji-la yijo-nò, nga nìkatonè-là kjotíxoma; tijè-ne kjotíxoma tíbínè-nò jé. <sup>10</sup>Nga tsà jngod̃ xit̃a xi ndaà síkitasòn yije kjotíxoma tanga tsà tà jngod̃ kjoa síkatonè-la, jye kisakò jé yije-la it'aà ts'e kjotíxoma-la Nainá. <sup>11</sup>Nga k'oáá tsò Nainá: “Kì kjoa chijngui 'nè.” Tanga tikoáá

tjít'aà nánnda tsò: “Kì xítà nìk'eèn.” Jñò, tsà mì kjoa chijngui 'nè, tanga tsà xítà nìk'eèn, jye kisakò jé-nò it'aà ts'e kjo'tíxoma. <sup>12</sup>Jñò, k'oaá s'ín tinókjoa kò k'oaá s'ín t'een koni xítà xi Nainá kùindaàjìin-là tsà k'oas'ín tíbitasòn-là koni tsò kjo'tíxoma xi síkítsajnandeíí xítà. <sup>13</sup>Jñà xítà xi tsjìn-là kjo'himatakòn it'aà ts'e xítà xi k'jeíí, tikoáá mìkìi s'e-là kjo'himatakòn k'e nga sìnè-là kjo'in. Tanga jñà xi tjín-là kjo'himatakòn, mì kjo'in sìnè-là k'e nga sìnè-là.

### Kjondaà xi 'né k'e nga mokjeiín-ná

<sup>14</sup>Ndí 'ndsè, nímé chjí-là tsà jngodò xítà xi tsò: “'An, mokjeiín-na it'aà ts'e Nainá”, tsà mìkìi tí'ya-là kjondaà-là. Xítà jè, xi ta jè kjoa mokjeiín-là, mìkìi koma kitjokàjìin kjo'in. <sup>15</sup>Tsà jngodò 'ndsé kò tsà jngodò tichjaá xi tsjìn-là nikje xi ókjá kò tsà tsjìn-là tsojmì xi kine; <sup>16</sup>jñò, tsà k'oín-laà: “T'in-là ndaà-ne, ndaà chíkjeíí nikje-lè, ndaà chinii tsojmì xi mejèn-lè.” Kò tsà mìkìi sìchját'aà-là mé xi mochjeén-là, nímé chjí-là. <sup>17</sup>K'oaá tís'ín ma kjoa xi mokjeiín-ná, tsà mìkìi tí'ya-là kjondaà-ná, nímé chjí-là kjoa xi mokjeiín-ná.

<sup>18</sup>Tjín i'nga xítà xi kjòngui, tsò: “¿A mokjeiín-lè it'aà ts'e Cristo?” 'An, xan-là: “Tí'yaá-là kjondaà-na. ¿A komaá kokó-ná nga mokjeiín-lè it'aà ts'e Cristo tsà nímé kjondaà tì'nì? Tanga 'an tìs'iìn-ná kjondaà, k'oaá ma-ne kokoò-lè nga kixíí kjoa nga mokjeiín-na.” <sup>19</sup>Ngaji ndaá tjín nga mokjeiín-lè nga jngodò ma Nainá. Tanga tikoáá jñà iníma ch'o-là neíí mokjeiín-là nga tjín Nainá, skanda otsé-né nga tsakjón-là. <sup>20</sup>Jñò, xítà xi tsjìn-nò kjo'hítsjeèn, ¿a mì fíya-nò nga nímé chjí-là kjoa xi mokjeiín-nò tsà mìkìi tí'ya-là kjondaà-nò? <sup>21</sup>Na'èn jchán kjín-ná Abraham, ¿mé-ne xítà kixíí kitsò-là Nainá? Koíí kjoa-là nga ndaà kisikitasòn koni s'ín kitsò-là k'e nga kitsjaá kjo'tjò Isaac xi ki'ndí-là ma nga tjín-ne nga s'ik'en. <sup>22</sup>¿A mì 'ya-jèn nga jè Abraham koni s'ín nga kòkjeiín-là, k'oaá tís'ín kisikitasòn? Koni s'ín kisikitasòn, yaá kjòjngodò kjoa mokjeiín-là nga nímé kisichjít'aà-là. <sup>23</sup>K'oaá s'ín tsitasòn koni s'ín tíchja Xojon-là Nainá nga tsò: “Abraham kòkjeiín-là it'aà ts'e Nainá; k'oaá s'ín komà-ne nga Nainá kiskoétjò nga xítà kixíí kitsò-là.” Amigo-là Nainá ki'mì Abraham.

<sup>24</sup>Yaá 'yaà, nga Nainá kjoétjò xítà kjoa ts'e kjondaà xi síkitasòn, mìtsà tà koi kjoa-là nga mokjeiín-là. <sup>25</sup>K'oaá tís'ín

tjín ts'e chjoón chijngui xi 'mì Rahab; Nainá kiskoétjò nga xitá kixi kitsò-la koií kjoa-la kjondaà xi kis'iin nga kitsjaà'nde-la jñà xitá xi ijchò katsejèn-'ma, ikjoàn kisichját'aà-la nga xìn ndiyá kisikasén-ne xitá koi. <sup>26</sup>K'oa tís'ín tjín jè yijo-ná, nimé chjí-la, tjina k'en-né tsà tsjìn inijma-ná. K'oaá tís'ín ma kjoa xi mokjeiín-ná, tsà mìkiì tí'ya-la kjondaà-ná, nimé chjí-la.

### Kjoa ts'e nijen-ná nga nokjoá

**3** <sup>1</sup>Jñò ndí 'ndsè, it'aà tsajòn, kì kjìn ma-ne xi maestro ma. Jyeé 'ya nga ngajen xi okodya-jen, tsà mé kjoa xi ch'o 'nè-jen, isaá tse kjo'in sinè-najen. <sup>2</sup>Ngats'ii-ná, kjìn skaya kjoach'o xi 'né, tanga jngod xitá xi mì ch'o tsò 'én xi chja, jè-né xi nguì xitá kixi, xi komà-la kotixoma yije-la yijo-la. <sup>3</sup>K'oaá ngaya-la koni kohòyo xi si'a freno tso'ba mé-ne nga sikitason-ne koni s'ín mejèn-ná nga kjoì, k'oaá s'ín ma'nchré yije yijo-la. <sup>4</sup>K'oaá tís'ín tjín koni s'ín síxá jñà chitso, nas'ín takó í'í kjoàn, kò nas'ín takó 'ñó 'ba tjo xi fàhitjen, jè xitá xi síxáko nas'ín jtobá kji yá xi 'mì timón xi síxáko, maá fàhitjen nga fiko nita kós'ín mejèn-la nga kjiko. <sup>5</sup>K'oaá tís'ín ma xi kjoa ts'e nijen-ná. Tà yijo jtobá kji, tanga 'ñó 'nga chja nita mé kjoa-ne. K'oaá ngaya-la koni jngod ni'ín xi itsé kji, komaá kokángui ijñá nas'ín takó tse ma. <sup>6</sup>Nijen-ná k'oaá ngaya-la koni jngod ni'ín, yaá tjí'a yije ngats'ii 'én ch'o xi tjín isò'nde xi ma-la síkits'ón yije yijo-ná. Jè ni'ín xi tjín ya i'nde ts'e kjo'in nándá 'mì infierno, jè bit'a'í-la nijen-ná nga chja 'én xi ch'o tsò xi koma-la kokà-ná koni tjín nachrjein kitsajnakoaán. <sup>7</sup>Ngats'ii cho xi tjín i isò'nde ma ma'nchré, koni jñà cho xi tjín ijìin ijñá, kò xi tjímajìin isén, kò jñà cho xi nangui bífejno yijo-la kò jñà xi tjín ijìin ndáchikon, jñà xitá ma-la sí'nchré. <sup>8</sup>Tanga nijngod xitá xi ma-la sí'nchré nijen-la. Nga jè nijen-ná jngod kjoa ch'o tjín-la xi mìkiì tsjá'nde nga ma'nchré. Yaá tjí'a koni xán kjan-la ye xi ma-la sík'en-ná. <sup>9</sup>Tijè-ne nijen-ná jeya síkíjna Nainá xi Na'èn-ná, kò tijè-ne nokjoà'on-koaá xitá xi kos'ín kisindaà koni kji Nainá. <sup>10</sup>Tijè-ne ndsobaá bitjo-ne 'én xi jeya síkíjna Nainá kò tijè bitjo-ne xi nokjoà'on-koaá xitá. Ndí 'ndsè, mìkiì ndaà tjín kjoa koi. <sup>11</sup>Jngod ngajo nándá tìbitjo nandá, mìkiì koma kítjo nandá jnchra koa kítjo nandá ndaà. <sup>12</sup>Jñà yá toò iko, ¿a komaá koja-la toò xi 'mì aceituna? Jè yá uva, ¿a komaá koja-la toò iko? Jñò ndí 'ndsè k'oaá tís'ín

tjín kjoa ts'e nandá, jngoò ngajo mìkiì koma kitjo nandá jnchra ko kitjo nandá ndaà.

### Kós'ín tjín kjoachjine xi nchrobá-ne ján ngajmii

<sup>13</sup> Jñà xita xinguioo, tsà tjín i'nga xi tjín-la kjoa chjine ko xi ndaà fiya-la, kàtakó kjoachjine-la nga indaà ikon tísíjchá yijo-la. <sup>14</sup> Jñò, tsà biì'nde-laà yijo-nò nga kjoaxitakòn sjiin inima-nò nga mejèn-nò nga jñò kitsajna ítjòn-la xinguioo, kì k'oaá s'ín nokjoà nga ndaà títsa'nè; kì 'én ndiso nokjoà nga kondra onguí-la kjoa kixi-la Nainá. <sup>15</sup> Kjoa chjine jè, mìtsà it'aà ts'e Nainá nchrobá-ne. Kjoa chjine ts'e isò'nde-né. Kjohítsjeèn ts'e xita-né, ko ti ts'eé-ne xita neí. <sup>16</sup> K'e nga maxitakòn-chaá xinguiaá ko nga mejèn-ná nga jñá kitsajna ítjòn-laà, yaá sakó-ná kjoasiì, ngats'iì kjoa ch'o xi tjín isò'nde. <sup>17</sup> Tanga jñà xita xi tjín-la kjoa chjine xi it'aà ts'e Nainá nchrobá-ne, tsjeè síjchá yijo-la, kjoa'nchán ótsji, tjín-la kjondaà, xita 'nchré-né, tjín-la kjohimatakòn, ndaà tjín xá xi s'ín, mì jò fi-ne, ko 'én kixí chja. <sup>18</sup> Jè xita xi mejèn-la nga s'e kjoa'nchán, 'nchán bijnako xita xi i'nga mé-ne nga ma iskan sakò-la kjondaà xi kixi tjín.

### Jè xi matsjakeè kjoa ts'e isò'nde, kondra ts'eé Nainá

**4** <sup>1</sup> ¿Nánda nchrobá-ne kjoachán nga bixkàn-ko xinguioo? Yaá nchrobá-ne kjoach'o xi kjit'aà nachrjein síjé inima-nò nga bixkàn-ko kjohítsjeèn ch'o-nò. <sup>2</sup> Mejèn-nò tsojmì xi tsjin-nò tanga mìkiì sakó-nò, k'oaá ma-ne nga nìk'eèn xita koa maxitakòn-chaà xita, tanga mìkiì sakó-nò tsojmì xi mejèn-nò. K'oaá ma-ne nga sakó-nò kjoachán nga bixkàn-ko xinguioo. Mìkiì sakó-nò tsojmì xi mejèn-nò koií kjoa-la nga mìkiì nijé-la Nainá. <sup>3</sup> K'e nga nijé-laà Nainá, mìkiì tsjá-nò nga mìkiì ndaà nijé-laà. Nga jè xi mejèn-nò nga ya sichjeén it'aà ts'e kjotsja xi ch'o síjé yijo-nò. <sup>4</sup> Jñò xi mìtsà xita kixi 'mì-nò, ¿a mìtsà 'ya nga jè xi matsjakeè kjoa ts'e isò'nde, kondra ts'eé Nainá? Nita yá-ne xi mejèn-la kotsjakeè kjoa ts'e isò'nde, kondra-la Nainá ma. <sup>5</sup> Koií k'oa tsò-ne Xojon-la Nainá nga tsò: “Jè Inima Tsjeè xi Nainá kitsjaà-ná, skanda machini-né nga 'nó matsjakeè-ná.” <sup>6</sup> Tanga Nainá, nga ko kjondaà-la ndaà síhját'aà-ná. K'oaá tsò Xojon-la nga tsò: “Nainá kondraá tíjna-la jñà xita xi 'nga ikon, tanga koó kjondaà-la ndaà síko jñà xi xita ima kjoa.” <sup>7</sup> Tjii'nde

nga Nainá kàtatíxoma-nò, kò 'nó tajaàjiin titsajna-laà xitá neií mé-ne nga kosít'aàxìn-nò. <sup>8</sup>Tichrañat'aà-laà Nainá mé-ne jè Nainá sìchrañat'aà-nò. Jñò xi jé binchaàtsjiod, kì tì jé binchaàtsji-nò, tìtsjeè ndsaa. Tìtsjeèya kjohítsjeèn-la inima-nò, jñò xi jò kjohítsjeèn tjin-nò nga okji matsjacha Nainá kò okji matsjacha isò'nde. <sup>9</sup>Tikájnoò jé-nò, ba tìtsajna kò chihindáyaà. Jè kjoa bijnò-nò, kjoa ts'e ndáxkoón kàtama. Kò jè kjotsja-nò, kjoaba kàtama. <sup>10</sup>Nangui titsajna-là Nainá mé-ne jè Nainá 'nga sìikítsajna-nò.

<sup>11</sup>Ndí 'ndsè, kì nokjoàjno-là xinguioo. Jè xi chjajno-la 'ndse nga tsò: “Mikiì ndaà tís'in”, jè kjotíxoma tichjajno-la nga tsò nga mìkiì ndaà tjin kjotíxoma. Kò tsà k'oaá s'in si nga mìkiì ndaà tjin kjotíxoma, mìkiì tìnìkitasoìn koni tsò kjotíxoma. K'oaá ngaya-la koni tsà xitaxá tijn nga jì tìbìndaàjiin. <sup>12</sup>Tà jngoò ma-ne xi tsjá kjotíxoma, tije-ne xi xitaxá tjna nga bìnndaàjiin-la xitá. Kò tije-ne xi ma-la kochjekàjiin-ná kjo'in, tikoá tije-ne xi ma-la tsjá-ná kjo'in. ¿Yá-ne ngaji nga jé bìnè-laà xingui?

### Xitá xi chja 'én 'nga ikon

<sup>13</sup>Jñò, ndaà tiná'yaà koni xán-nò. Jñò bixón-nò: “Nachrjein i'ndeí, o nchijòn-lè, xìn naxandá kjaán, jngoò nó kitsajnaá nga sixá mé-ne tse ton sikijneé.” <sup>14</sup>Tanga jñò, mìkiì tjiin-nò mé xi komat'ioòn nchijòn-lè nga titsajnakon. Jñò, k'oaá s'in ngaya-la koni ifi. Jngoò tjò fahaya, ikjoàn nitoón fiya-ne. <sup>15</sup>Jñò, kí s'in tinókjoaa: “Tsà Nainá mejèn-la nga sìikítsajnakon-ná, komaá s'éeen xá koi, o s'éeen xá xi kj'eíí.” <sup>16</sup>Tanga jñò, 'nó 'nga 'én nokjoà nas'in mìkiì tjiin-nò mé xi koma nga tífi-isa nachrjein. Ngats'ií 'én 'nga xi nokjoà, jé-né. <sup>17</sup>Jè xi tjiin-la kjoa xi ndaà tjin kò mìkiì síkitasòn, jé tíhótsji-la yijo-la.

### Kjo'in xi sìkjeiín xitá nchiná

**5** <sup>1</sup>Jñò xi xitá nchiná 'mì-nò, tiná'yaà 'én xi xán-nò. Chihindáyaà ba ba it'aà ts'e kjo'in xi sikjioón. <sup>2</sup>Kjoa nchiná-nò, nímé chjí-la, tíbi'ndo-né. Nikje xi kichíkjá, jye nchisíkje cho kixo. <sup>3</sup>Ton oro-nò kò ton plata-nò jyeé tímachi. Jè nachrjein k'e nga sindaàjiin, jñà chì-la kochjeén xi kondra tsajòn. Koó ni'in kòkà yije yijo-nò. Nga jñò, titsabincháxkó ton nas'in jye tífehèt'aà nachrjein. <sup>4</sup>Jñà xitá chì'nda xi

kisixá nangui-nò, nchikjindáya nga ótsjiya chjí-là nga jñò kichonachan-là. Nainá xi ts'e yije nga'nño xi tjín, jyeé kii'nchré-là koni s'ín nchikjindáya. <sup>5</sup>Jñò, nga i titsajnaà it'aà nangui, ndaà titsajnaà nga nimé chija-nò, 'bì-là kjotsja yijo-nò. Titsanisiín-là inima-nò nga 'bì-là kjotsja xi síjé k'oaá ngaya-là koni cho xi mìkii tjiin-là tsà jye ijchò nachrjein-là nga kiyá. <sup>6</sup>Jñò, tsohònè-là jé koa kinik'eèn jñà xi xita kixi xi mì jé tjín-la. Jñà xita koi, mì kì komà tsasiko yijo-la.

### Mé kjoa xi s'eén nga titsachiñá-lá nga kjoíí ijngòò k'a Cristo

<sup>7</sup>Jñò ndí 'ndsè, chíñakjoaa kóni skanda k'e nga kjoíí ijngòò k'a Na'èn-ná. K'oas'ín chíña koni s'ín xita xi síxako nangui nga koñakjoa-là jè jtsí xi 'ba ítjòn ko xi iskan 'ba nga síxako jñà tsojmì tjè mé-ne nga koma koixkó-ne tsojmì tjè-là xi majchá nga 'ño chjí-la. <sup>8</sup>Jñò, k'oaá tis'ín chíñakjoaa, 'ño t'è-là takòn nga jyeé nchrobá machraña nga kjoíí ijngòò k'a Na'èn-ná. <sup>9</sup>Ndí 'ndsè, kì xkì xi ján tsajét'aà-là xinguiòò, mé-ne nga mì kjo'in sinè-nò. Nga jè Na'èn-ná jyeé tijnandaà nga kjoíí mé-ne koiindaajiin-là xita.

<sup>10</sup>Ndí 'ndsè, jñò, k'oaá s'ín t'een koni s'ín kis'iin jñà xita xi kiichja ngajo-là Nainá nga kichikjoako-là nga kisikjeiín kjo'in koií kjoa-là nga 'én-là Nainá kiichjaya. <sup>11</sup>K'oaá s'ín 'ya-là nga jñà xita xi chíkjoako-là kjo'in, s'eé-là kjondaà. Jyeé tjiin-nò nga jè Job k'oaá tis'ín kichikjoako-là kjo'in. Ko jyeé 'yaà mé xi kitsjaà-là Na'èn-ná k'e nga jyehet'aà-ne kjoa. Na'èn-ná 'ño ndaà xita, tjín-là kjohimatakòn.

<sup>12</sup>Jñò ndí 'ndsè, k'e nga 'bioð 'én-nò, kì yá xi níkítsajna ítjòn. Kì jè ngajmì ko nangui, o xi k'jeií tsojmì níkjeén. Tà k'oaá s'ín tixón: “Jon”, o xi “Majín”, mé-ne nga mì kjo'in sinè-nò tsà mikii kitasòn.

### Kjoa bitsi'ba

<sup>13</sup>Tsà tjín i'nga xita xinguiòò xi ba tjín-là, kàtitsi'ba-là Nainá. Tsà tjín i'nga xi tsja tjín-là, kàtaseè-là Nainá nga jeya kàtasíkjina. <sup>14</sup>Tsà tjín i'nga xita xinguiòò xi xk'én, kàtakinikjaá xita jhínga xi tjín-là xá ya jjiin naxandá-là Cristo mé-ne nga katitsi'batji-ne ko it'aà ts'e nga'nño-là Na'èn-ná kàtasíkjano-là asiti. <sup>15</sup>K'e nga bitsi'batjiò xita, tsà ndaà mokjeiín-nò, jè xita xi xk'én kondaà-ne. Jè Na'èn-ná siindaà-ne nga koma kosítjen-ne.



Tsà jé t́jín-la jchat'aà-la jé-la. <sup>16</sup>Chjahatakòn-là xítà xinguiòo jé-nò. Tíkòá titsi'batjiò xinguiòo mé-ne nga kondaà-nò. K'è nga jngòd xítà kixi bítsi'ba, t́jín-la nga'ñó nga kítasòn. <sup>17</sup>Jè xítà xi kiichja ngajo-la Nainá xi ki'mì Elías, k'oaá tís'ín xítà koni jñá. 'Ñó kisjét'aà-la Nainá nga mì tì jtsí k'oa-ne; kò ján nó osen mì tì kii ts'a-ne jtsí. <sup>18</sup>Ijngòd k'a tsibítsi'ba-la Nainá nga kàt'a jtsí. Ts'aá ijngòd k'a-ne jtsí kò jè nangui kòjchá tsojmì tjè.

<sup>19</sup>Ndí 'ndsè, tsà t́jín i'nga xinguiòo xi chinchat'aàxìn-la xi kjoá kixi, koá tsà jngòd xítà kichja-la nga kàtjanchrobát'aà ijngòd k'a-la Nainá, <sup>20</sup>jè xítà xi kichja-la nga keènojímí-la nga ch'o t́jín ndiyá xi tsó'baya, k'oas'ín kàtasijiìn-nò nga jngòd xítà tíhochrjekàjiìn kjo'in xi ts'è kjoabiyaà. 'Ñó kjin jé jchat'aà-la.